

Njoftohet se në sulmet ajrore që ka kryer koalicioni ndërkombëtar i udhëhequr nga SHBA janë vrarë dhjetëra militantë të ISID, përfshirë edhe dy liderë të kësaj organizate.

Sipas informacioneve nga sulmet ajrore që kanë kryer forcat e koalicionit ndërkombëtar, të kryesuar nga SHBA, në Enbar të Irakut janë vrarë 12 militantë të ISID, 2 prej të cilëve ishin liderë.

Pretendohet se është vrarë lideri i ISID-it, Ebubekir el-Bagdadi, por një zyrtar i Pentagonit bëri të ditur se nuk janë ende në gjendje të konfirmojnë një lajm të tillë.

Sipas një komunikate të lëshuar nga Departamenti amerikan i Mbrojtjes (Pentagon) avionët e koalicionit ndërkombëtar kanë goditur afër Mosullit një autokolonë me 10 automjete, brenda të cilëve gjendeshin edhe stafi drejtues i ISID-it.

Ndërkohë që televizioni al-Arabija njoftoi se lideri i ISID-it, el-Bagdadi është plagosur, një televizion lokal në Irak pretendoi se është vrarë një ndihmës i Bagdadit.

Në rrjetet sociale qarkullojnë lajmet për vdekjen e Bagdadit, ndërsa ISID-i i ka hedhur poshtë këto pretendime përmes komunikatave që lëshon në internet.

Njoftohet se në sulmet ajrore kanë gjetur vdekjen dhe janë plagosur me dhjetëra militantë të ISID-it.

Shtetet e Bashkuara të Amerikës për kokën e Bagdadit kishin vendosur një shpërblim prej 10 milionë dollarësh.

Koalicioni ndërkombëtar sulme ajrore realizoi edhe në qytezën el-Kaim që ndodhet në provincën Enbar të Irakut.

Dëshmitarët okularë thanë se në shënjestër të sulmeve ajore ishte një shtëpi ku ishin mbledhur liderët e ISID-it. Në këtë sulm gjetën vdekjen 15 vetë dhe u plagosën 31 të tjerë./trt/